



**Aningaasaqarnermut Nunanullu Allanut**  
**Naalakkersuisoq**      **NUKINGINNARTOQ**

**Aningaasaqarnermut Ataatsimiititaliap suliaq nr. 01.31.06/06-00181 pillugu sisamanngornermi ulloq 17. august 2006-imi aalajangiinera pillugu Naalakkersuisunut ilisimatitsineq.** (Naalakkersuisut ulloq 10. august 2006-imi ataatsimiinneranni imm. 2d)

**Ilinniartut inaannut siunertanut pequtit/atortut**

Naalakkersuisut **inassutigaa**

- Konto pingaanermi 62.04.05 "*Piareersarfiit*" aningaasaliissutiti 87.000 kr.-nik apparneqassasut.
- Konto pingaanermi 84.40.15-imi "*Ilinniartut ineqarfiinik sanaartorneq*" aningaasaliissutit suliamut nr. 010.52.026-mut Pequtit, Ummannaq, atugassanik 87.000 kr.-nik qaffanneqassasut,.

**Aningaasaqarnermut Ataatsimiititaliap oqaaseqaatai**

Qinnuteqaat una pingasunngorneq ulloq 16. august 2006-imi Aningaasaqarnermut Ataatsimiititaliap allatseqarfianit tiguneqarpoq. Suliaq nukinginnartumik suliarineqassasoq Naalakkersuisut kaammattuutigisimavaat.

Aallarniutit oqaatigineqassaaq konto pingaarneq 62.04.05 Piareersarfiit april 2006-imi Naalakkersuisut oqartussaaffiisa allanngortinneqarnerisa malitsigisaatut pilersinneqarsimammat. Konto pingaarnerup taassuma imarai kontot pingaarnerusimasut marluk:

- 64.13.17 Iltersuinerimi aallarnisaanermilu qitiusoqarfiit 16.500.000 kr.-inik aningaasaliissutitalik.
- 40.11.19 Sinerissami Tunngaviusumik Ilinniartitaaneq 11.052.000 kr.-inik aningaasaliissutitalik.

Oqartussaaffiit allanngortinneqareermata konto pingaarneq 62.04.05-mi Piareersarfinnut aningaasaliissutit 27.552.000 kr.-iupput.

Oqartussaaffiit allanngortinneqarnerat pissutigalugu missingersuusiordermi taamatut nuussinissamut Naalakkersuisut piginnaatinneqarnerat AI 2006-imi suliaqarfik10-89-imut oqaasertaliussaq nr. 1-imi takuneqarsinnaavoq. Oqaatiginngitsoorneqassanngilarli suliap paasineqarneranut suliarineqarneranullu paasissutissat taakku suliap nassuiarneqarnerani takuneqarsinnaasimasuugaluarpata iluaqutaasimassagaluarmat.

Qinnuteqaammi ilaatigut takuneqarsinnaavoq:

*”Ilinniartut nunaqarfinneersut Piareersarfimmi atuartussat 16-it ilinniartuutigilernissaannut Uuummannap Kommunea periarfissaqarpoq, siunertamullu tassunga Uuummannap illoqarfiani BSU-p illutaai pingasut kommunip nassaarai. Taakkunanga pequtsersuinissamut aningaasanik 87.000 kr.-inik kommuni ulloq 22. juni 2006-imi qinnuteqaateqarpoq. Ilinniartunut nunaqarfimmeersunut ilinniartitaanermi kommunip immikkut suliniuteqarneranik qinnuteqaateqarneq tunngaveqarpoq.”*

Tassunga tunngatillugu Aningaasaqarnermut Ataatsimiititaliap oqaatigissavaa aningaasaliinissamik pisariaqartitsineq qaammatini marlungajanni ilisimaneqarsimasoq eqqarsaatigigaanni nukingiullugu suliarineqarnissaanik qinnuteqarlutik Naalakkersuisut aningaasaliinissamik qinnuteqaammik nassiussinerat **naammaginangimmat!**

Taamatut paasinnineq suli sakkortunerulersinneqarpoq aningaasaliinissamik pisariaqartitsinerup killilerujussuuneranit aningaasaliinissamullu siunertap siumut naatsorsuutigineqarsinnaasimagaluarneranit, taamaattoqartillugumi Aningaasaqarnermut Ataatsimiititaliamut qinnuteqaateqarnissaq nalinginnaasumik pisariaqarsimassanngikkaluarmat, pissusissamisooruussimassanngikkaluarlunilu.

Suliap matumani pineqartup pilertortumik aalajangiivigineqarnissaa eqqarsaatigalugu Aningaasaqarnermut Ataatsimiititaliap suleriaasiani § 5, imm. 4 innersuussutigalugu suliaq akuersissutigineqassasoq Aningaasaqarnermut Ataatsimiititaliamut siulittaasoq inassuteqarpoq. Piffissaliussatut aalajangiussap iluani Aningaasaqarnermut Ataatsimiititaliamut ilaasortat arlaannaalluunniit tamatumunnga akerliulluni uparuaasimangilaq.

#### **Aningaasaqarnermut Ataatsimiititaliap aalajangiinera**

Oqaaseqaatigineqartut qulaani taaneqartut innersuussutigalugit Naalakkersuisut inassuteqaataat Aningaasaqarnermut Ataatsimiititaliap **akuersissutigai.**

Inussiarnersumik inuulluaqqusillunga

Ellen Christoffersen  
Aningaasaqarnermut Ataatsimiititaliap siulittaasua